



Minggu, 12 Februari 2023

Ogen: Epesus 5:19



ERCAKAP-CAKAPLAH



Keharmonisan sebuah rumah tangga terletak pada sikap tanggungjawab dan terbangunnya komunikasi yang sehat. Bage me nina sada kata mutiara si ngajuk kita guna njaga keharmonisen i bas jabu-jabunta. Amin lit singatakenca, adi enggo lebih 15 menit ngerana i bas jabu banci lanai siangkan. Payo, dikune kita la sibegin, sora ras sura-surantah ateta siasakken. Sipaksaken temanta ngangkai sura-surata alu la rusaha ngangkai ukur temannta. Ercakap-cakap me salah sada dalanna kita siangkan ras meteh kai ras kuga ateta perdalanen jabuta.

Salah sada tanda-tanda jabu kalak Kristen e me ncidahkan dirina, singgeluh i bas jabu e naksiken kegeluhen anak-anak Dibata. Nggeluh selaku anak terang ncidahkan jabu si sempabu. I bas renungenta paksa enda iajuk gelah teptep kalak si tek arus ercakap-cakap alu kata ras belas-belas si makeken Masmur, ende-enden pujin ras pertendin. Ertina, teptep hubungenta ipalasi 'komunikasi' si mehuli. La saja siibelasken biber tapi rehna arah ukur s idem keleng ate rikut penggejapen kerna keleng ate Dibata.

Enda mpersingeti kita engkai maka itepa Dibata dua cuping tapi sada babah, buen kepe kita arus meg i asangkan ngerana. Lit istilah 'pillow talk' e me percakapen santai ras intim perbulangen ras ndehara i ja sope tunduh, i bas kamar ngerana-ngerana kerna erbage-bage kejadi si lit rikut ras kai saja siarapkenna. Cerita pengalamenna i bas sada wari e, kerna dahin, anak janah banci saja kerna keluarga besarna. Kai rencana-rencana si atena ilakoken pepagi, arih-arih kerna perduiten, anak-anakta ras sidebanna. Sope tunduh, sope ertoto radu ras, biasakenlah ercakap-cakap ras pasangenta. Silakoken dengalah enda i bas jabuta?